



**FYLKESMANNEN I  
MØRE OG ROMSDAL**

**Løyve til mottak, mellomlagring og knusing av returasfalt og  
returbetong for  
Brekke & Kleppe Anlegg AS - Hareid kommune**

Løyvet er gitt i medhald av lov av 13.3.1981 om vern mot forurensninger og om avfall (forureiningslova) § 11 jf. § 29. Det er sett vilkår etter forureiningslova § 16.

Løyvet gjeld frå dags dato.

Dersom bedrifta ønskjer endringar i drifta som kan ha betydning for miljøet, må dette avklarast skriftleg med Fylkesmannen i Møre og Romsdal.

**Data om bedrifta:**

Bedrift	<b>Brekke &amp; Kleppe Anlegg AS</b>		
Anlegget si plassering/gateadresse	Hjørungnesmyrane		
Bedrifta si postadresse	Postboks 133, 6069 Hareid		
Kommune for anlegget	Hareid		
Organisasjonsnummer (bedrift)	983697070		
Euref 89, UTM sone 32	nord: 6916433 aust: 348962		
Gards- og bruksnummer	Gnr. 70 bnr. 108		
NACE-kode og bransje	43.120 Grunnarbeid		
NOSE-kode(r)	109 Behandling og disponering av avfall		
Saksnummer	Anleggsnummer	Løyvenummer	Risikoklasse <sup>1</sup>
2018/752	1517.0034.01	2018.0362.T	4

Løyve gitt: 02.05.2018	Endringsnummer: 1	Sist endra: 03.09.2020
<p>Christian Dahl fagleder</p> <p>Lisa Thorstensen konsulent</p> <p><i>Dokumentet er elektronisk godkjent og har ingen signatur</i></p>		

<sup>1</sup> Risikoklassen har betydning for forureiningsmyndigheita sin frekvens for planlagte tilsyn med verksemda.

**Endringslogg**

<b>Endringsnummer</b>	<b>Endringer av</b>	<b>Punkt</b>	<b>Skildring</b>
1	03.09.2020	Tittel	Returbetong er tatt inn i tillegg til returafalt. Det er også namnet på bedriften og kommune anlegget ligg i.
			Lagt inn endringslogg
		1	Endra til også å omfatte returbetong. Elles oppdatert etter gjeldande mal.
		1.1	Krav som gjeld betong og krav om at informasjon om opphav skal loggførast, er tatt inn.
		2	Setning som gjeld betong er tatt inn.
		6	Krav til knusing er tatt inn som eige avsnitt
		7.3	Lagt til punkt om journalføring.
		8	Lagt til punkt om forsikring.
		9	Lagt til punkt om nedlegging.
		10	Lagt til punkt om inspeksjon.

## **1 Rammer for løyvet**

Løyvet gjeld mottak, mellomlagring og knusing av returasfalt og returbetong. Løyvet omfattar eit årleg mottak på **inntil 2 000 tonn** årleg returasfalt og **inntil 5 000 tonn** årleg returbetong. Returasfalten og returbetong kan lagrast i **inntil 1 år**.

Løyvet omfattar berre rein asfalt og betong. Forureina asfalt og forureina betong skal avisast frå anlegget. Unntaket er armeringsjern i betong. Det er ikkje tillate å ta imot og mellomlagre andre avfallstypar enn dei som er nemnde over.

### **1.1 Krav til mottaket**

Det skal vere ein driftsplan med driftsinstruks for anlegget.

All returasfalt og returbetong som blir tatt imot, skal kontrollerast og loggførast med informasjon om opphav. For å sikre at det i vidare produksjon berre blir nytta reine asfaltprodukt som er fri for tjæreprodukt, skal det angjevast kvar returasfalten kjem frå. Mellomlagring av tjærehaldig asfalt på området er ikkje tillate.

Dersom det oppstår mistanke om at mottatt asfalt likevel kan innehalde tjære, skal asfalten oppbevarast separat på fast dekke under tak inntil prøvetaking er gjennomført og vidare disponering er avklart. Asfalt som er eldre en 1970 og inneheld penetrert puk, impregnert grus eller anna overflatebehandling, skal testast for innhald av tjære.

Det må kontrollerast at betongen som blir mottatt, er rein. Det vil seie at den ikkje skal innehalde maling eller fugemasse, og at betong og eventuell murpuss ikkje skal innehalde forureiningar. Dokumentasjon frå avfallsprodusenten på at betongen ikkje inneheld forureiningar, må ligge føre før massane blir sleppte inn på anlegget. Betong med plastarmering kan ikkje takast imot. Eventuell metallarmering skal fjernast før vidarelevering.

### **1.2 Kunnskap om avfall**

Bedrifta skal ha tilstrekkeleg kunnskap om avfallet til å kunne behandle og lagre mottatt avfall, slik at det ikkje fører til at miljøet blir dårlegare.

### **1.3 Informasjon til kundar**

Verksemda skal gi kundane forsvarleg informasjon med omsyn til kva typar avfall som det er tillate å levere til anlegget.

## **2 Avfall**

Bedrifta skal i størst mogleg grad minimere danning av avfall som følgje av si verksemd.

Forureiningsmyndighetene anbefaler generelt at brukt asfalt blir brukt i produksjon av ny asfalt. Returasfalt kan også nyttiggjerast som erstatning for rein asfalt som underlag for ny asfalt. Betongavfall må disponerast i tråd med Miljødirektoratet sitt faktaark M-14/2013 inntil ei sentral forskrift blir vedtatt.

### 3 Internkontroll

Bedrifta har plikt til å ha eit internkontrollsystem som er oppdatert til ei kvar tid.

### 4 Støv

For å unngå støvproblem i nærmiljøet, skal vegar og plassar gjerast reine regelmessig, eller andre støvreduserande tiltak skal settast i verk.

### 5 Støy

Bedrifta sitt bidrag til utandørs støy ved omkringliggende bustader, sjukehus, pleieinstitusjonar, fritidsbustader, utdanningsinstitusjonar, barnehagar og rekreasjonsområde skal ikkje overskride følgjande grenser, målt eller berekna som frittfeltsverdi ved mest støyutsette fasade:

Kvardagar	Laurdagar	Søn- og heilagdagar	Kveld (kl. 19-23), kvardagar	Natt (kl. 23-07), alle døgn	Natt (kl. 23-07), alle døgn
55 L <sub>den</sub>	50 L <sub>den</sub>	45 L <sub>den</sub>	50 L <sub>evening</sub>	45 L <sub>night</sub>	60 L <sub>AFmax</sub>

L<sub>den</sub> er A-vegd ekvivalent støynivå for dag/kveld/natt med 10 dB/5 dB tillegg på natt/kveld.

L<sub>evening</sub> er A-vegd ekvivalent støynivå for kveldsperioden 23-07.

L<sub>night</sub> er A-vegd ekvivalent støynivå for nattperioden 23-07.

L<sub>AFmax</sub> er A-vegd maksimalnivå for dei 5-10 mest støyande hendingane i perioden, målt/berekna med tidskonstant "Fast" på 125 ms.

Alle støygrenser skal overhaldast for alle driftsdøgn. Støygrensene gjeld all støy frå bedrifta si ordinære verksemd, inkludert intern transport på bedriftsområdet og lossing/lasting av råvarer og produkt. Støy frå bygg- og anleggsverksemd og frå ordinær persontransport av verksemda sine tilsette er likevel ikkje omfatta av grensene.

### 6 Knusing

Knusing av returasfalt og/eller returbetong blir rekna som behandling av avfall. Knusing skal skje slik at vilkåra i kapittel 30 i forskrift om begrensning av forurensning (forureiningsforskrifta) blir haldne.

### 7 Rapporteringar og risikoklasse

#### 7.1 Risikoklasse

Verksemda er plassert i risikoklasse 4.

## 7.2 Årleg rapportering

Bedrifta skal rapportere oppsummering av returmengder asfalt inn og ut av anlegget, omfang og handtering av innslag av ulovlege fraksjonar i avfallet. Denne årsrapporten skal sendast til Fylkesmannen innan 1. mars året etter rapporteringsåret. Skjema er tilgjengeleg i Altinn.no.

## 7.3 Journalføring

Det skal førast **dagleg oversikt (loggbok)** over kva for mengder som blir tatt imot og passerer anlegget. Registrering av avfallet skal skje **på vekt**. Av loggboka skal det gå fram mengder og leveringsstader/bruksføremål.

## 8 Forsikring

Bedrifta skal sørge for å ha tilstrekkeleg forsikring for det erstatningsansvaret den måtte pådra seg i si avfallsverksemd. Forsikringa må blant anna omfatte skade på person(ar) og utstyr i tillegg til utgifter til opprydding, sanering og godkjent disponering. Forsikringa skal også dekke kostnader for utgifter knytt til eit mogeleg opphøyr av eige føretak.

## 9 Nedlegging

Dersom eit anlegg blir nedlagd eller ei verksemd stansar for ein lengre periode, skal eigaren eller brukaren gjere det som til ei kvar tid er nødvendig for å motverke ureiningar. Dersom anlegget eller verksemda kan føre til ureiningar etter nedlegginga eller driftsstansen, skal det i rimeleg tid på førehand gjevast melding til fylkesmannen.

Ved nedlegging eller stans skal mottaket sørge for at lagra returafalt blir tatt hand om på ein forsvarleg måte (jf. avfallsforskrifta). Dei tiltaka som blir treft i denne samanhengen, skal rapporterast til fylkesmannen innan 3 månader etter nedlegging eller stans. Rapporten skal innehalde dokumentasjon på disponering av restar av avfall og namn på dei verksemdene som har tatt over avfallet.

Dersom ein ønskjer å ta opp igjen verksemda, skal det sendast melding til fylkesmannen i god tid før planlagt oppstart.

## 10 Inspeksjonar

Bedrifta pliktar å la representantar for ureiningsmyndigheita, eller dei desse gir mynde, inspisere anlegga til ei kvar tid.